

翁

山

詩

外

番禺 屈大均 撰

茗南 凌鳳翔 訂

七言絕句二

漢口曲

大別如城遶漢陽南流漢水入江長朝朝夏口開
帆席黃鵠招人過武昌

南岬花連北岬香前湖風接後湖涼生憎大別中
央出江漢分流兩道長

永州南望蒼梧作

三湘清絕是瀟湘南接蒼梧九水長此地重華知
最愛故教埋玉九疑陽

二妃愁思滿零陵竹上帝痕總不冰青鳥未陪梧
野葬文魚空向洞庭乘

湘中聞竹枝

竹枝本是三巴曲流入湖湘調更悲風俗變來從
屈宋千秋哀怨一相思

合江亭作

雨過蒸湘似倒流合江亭與水光浮雲從石鼓過
迴鴈共作衡陽一片秋
衡州地勢曲如弓一道蒸湘射碧空嶽影遠隨湘
水去入湖分作萬芙蓉

送陸鍊師

湖口西行上九江香爐烟氣引飛幢心隨一片秋
天月出入雲中玉女窓

自大小王公嶺經楓林橋一路丹楓古木與
梅桂相亂坡陀高低石路坦潔絕可愛

車隨石路去迢迢夾岍楓林隱一橋采樹不知何
處盡人穿蒼翠已三朝

君山夜泊

相思七十二峰青雲引愁心過洞庭采罷芙蓉秋
月下迴舟何處弔湘靈

秋日廬山作寄繆天自

一嘯霜林葉盡飛白雲終古獨無依山中五老長

相待何事秋深尚不歸

題某禪師空生閣

黃巖瀑布甲廬山巖上空生閣一間茅厚不愁冰
雪壓圍爐相對一冬閒

鶴鳴雙劍兩峰開爭倒晴川布水臺馬尾谷簾瀑
泉那得似因君揮塵故飛來

青玉峽

冰開瀑布落成溪千丈飛絲馬尾齊青玉峽中行
不得朝猿啼罷暮猿啼

陳宮辭

玉樹新歌唱未終石頭城外戰雲紅君王失國風

流甚笑抱名妃入井中

古寺虛無玉殿存美人環珮響黃昏多情最是萋
萋艸不沒胭脂井上痕

臨春結綺彩雲間天上張星玉作顏萬歲不愁歌
舞盡龍蟠虎踞是鍾山

正學祠下作

正學祠堂冷不扃忠魂千古哭山靈興王一姓猶
甘死管魏能無污汗青

一介忠臣十族殃興朝元氣黯然傷寧王何事無
慚德坐見夷齊死首陽

秣陵春望有作

玉漱金塘雨過時家家楊柳映茅茨溪行忽與人
烟遠一樹梅花獨自知

江南無路艸萋萋欲送王孫烟雨迷幾度蘭舟行
不得鷓鴣偏向夕陽啼

艸長陳宮日已非春魂化燕欲何歸分明記得秦
淮上一路梅花照翠微

采竹陰寒欲雨天南朝古寺暮鐘連山僧不記誰
家臘依舊樓臺甲子年

歌舞銷沉一夜風繁華自古送英雄可憐七曲江
南弄都入胡笳慘淡中

棠梨花落子規啼望斷荆門烟雨迷一葉漁舟君

可渡晴雲猶在洞庭西

日斜湖上聽歌還落盡天桃慘客顏回首白門楊柳外春風一半在寒山

登臺休更愴寒烟豈有山河與赫連聞道燕支黃葉早行人歸及未秋天

燕子新箋唱未終君臣一笑失江東風吹苑柳花無數飛向天山與雪同

畱得江山一片秋可憐失國盡風流淒涼更有金川事烟艸兼含六代愁

日落中原虎豹驕乾坤無力扞南朝誰教一代衣冠盡白骨青苔鎖寂寥

香車白馬簇城隅
烟雨春光乍有無
多少酒旗歌板處
遊人偏向莫愁湖

烟雨春光澹欲無
年年愁滿莫愁湖
清明莫向江南過
芳艸萋萋是故都

榆柳青青萬井烟
遊人隔袖揖金鞭
桃花不解王孫恨
開遍燕姬酒肆邊

江左衣冠久已傾
看花誰問鳳凰城
年年此地逢寒食
歌罷龍蛇淚滿纓

淒涼今古一荒丘
欲問滄桑水自流
歸去東樵高卧好
青山猶爲野人留

秦淮曲中詞

沙喜何如沙嫩清日將紈扇寫黃庭東華園裏閒
飛鞚身似穿花紫燕輕

青溪一曲接秦淮舊院樓臺滿水涯妓女湘蘭稱
第一憐才絕不似裙釵

傅壽清歌絕可憐活泉真峇善烹煎茶經寫出人
爭購字比曹娥態更妍

顧節風流復尹春時時作伎若天人腰肢直與臺
城柳舞殺東風不動塵

范潤聰明范珥同兩家書畫並精工猶言博覽輸
王鳳粉膩全沾萬卷中

寇媚潘髯大社開紛紛詩画客爭來班如堂裏多

評藻溫麗人稱似玉臺

豪俠人稱脫四娘揮金不向少年場一生珠翠交
貧士贏得西鄰笑淡粧

楊婉工詩及艸書茅君相挾上匡廬侍兒插柳時
時憶溫潤潘郎玉不如

風流文藻有湘君蘭竹枝枝墨氣芬能說五經誰
得似指揮談塵繞羅裙

曲中當日最繁華春到青溪處處花遊冶競遮蘇
小路辭章多在薛濤家

口占送陳獻孟之興寧

翩翩書記去從軍彩筆憑將掃陣雲東指藍關風

旆捲功名好慰望諸君

送汪扶晨奉吳山大師靈龕返葬黃山

有序

大師故汪氏名沐日字扶光歙縣人崇禎癸酉
舉于鄉官至兵部主事亂後入吳山爲僧戊午
年七十有五行至揚州於端午日書絕筆詩三
章欲效三閭大夫故事果以是日終

君家主政事真乘日夕焚香禮□孝陵一代遺臣
金粟佛三朝高士雪菴僧

沙門自古非高士漁父繇來是大夫汝愛吳山尊
宿好遺衣猶爲作浮圖

誰能五日學三閭蟬蛻人間返太虛喜爾曾爲騷

弟子不令遺骨委江魚

千秋知已是湘纍

公絕筆有知已惟屈之語

一讀離騷淚便垂

禪寂未銷亾國恨愁心嘗被朔風吹

精爽應隨軒后去雲霄一路拾龍髯未應列在高

僧傳公是郎官復孝廉

軒轅宮闕在黃山萬丈丹梯爾重攀石匣故應收舍利遺書還與散人間

金陵送藍子

故園荔子正鮮紅汝返閩中我粵中此地楊梅那得似荷花雖好酒樽空

秣陵爲客總途窮才技如君恨太工自昔黃金天

最愛艱難不肯與英雄

題吳季六所畫黃山余

奇絕黃山吳季六畫余不畫直余看四余最是黃

山怪長使人來毛骨寒

黃山有擾龍倒挂等四余尤怪

三十六峰余盡眠一峰峰有一余纏余枝不比余

身短十丈橫飛渡水烟
株株穿石土膏無瘦盡蛟龍石作膚畫出已令山

鬼泣不須黃海作全圖
攫石擎雲盡偃余一余飛去接前峰遊人不覺石

梁斷扶過溪南驚卧龍

季六少時力舉千鈞

曾向沙塲作虎賁戰

敗不愁無矢，刃奇采拔取掃千軍。

吳曩時建義戰，敗手拔一采擊。

敵斃百餘人。

山木陰森古穴邊，汝驅虓虎出飛泉。

青原有瀑布，在虎穴旁。

六驅虎他徒藥地禪師，因名此泉曰小三疊泉。

畫來三疊廬山似，更有虬

采怒上天。

采采費盡熊羆力，畫取黃山萬樹來。雙腕可憐如此用，丹青深隱冠軍才。

龍顛虎倒在峰峰，盡是將軍漢代采。鱗甲不妨三寸厚，耐他冰雪過玄冬。

看君身亦一長采，生長黃山石壁重。放筆可能爲直幹，千尋撐起玉芙蓉。

瘦盡徒勞石髓滋時時看似一峰欹
女蘿亂掛無空處畫出應教山鬼疑

嚴子陵

梅市仙人是婦翁垂竿不愧逸民風
富春江上臺千尺長爲君王峙碧空
妻子水清實姓梅夫妻垂釣有雙臺
桐江一道真湯沐東漢風流賴爾開

青塚

一片陰山日易陰漢宮春色夢中深
不隨邊地風霜變芳艸青青是妾心

峨峨何似李陵臺一曲琵琶夜夜哀
紅粉青蛾安

足惜才人亦在白龍堆

寄新安汪扶晨

不愛黃山愛紫霞紫霞中有故人家多情每遣潛

溪水流相與落花

扶晨家在潛溪門前有紫霞山去黃山九十里

我愛新安水至清煩勞三十六峰迎無端風雨迴

中道負爾樽前望遠情

扶晨約子入黃山子行至蕪湖以暑熱適返

黃山廬嶽飛泉出三疊何如九疊長君在天都會

見否爲圖新瀑寄炎方

廬山有三疊泉黃山有九疊泉朱文公嘗圖三疊泉

寄京師故人名
五老新瀑圖

承君茶味紫霞新遠寄兼貽吳野人歸取越王臺

畔水一杯先奉白頭親

扶晨自製茶名紫霞片海陵吳野人有謝扶晨寄紫

霞茶
詩

泊舟石鐘山下作

湖水青青江水黃人言此水號鴛鴦鐘聲忽起波
間石清越偏宜秋夜長

大戰彭湖斬敵旂紅船難逐白船飛石鐘山上留

天步終古風濤聽指揮駐蹕石鐘山上康郎之

戰我師用白船偽漢用紅船黃進士淳耀詩

云高皇親此將元戎百萬紅船落掌中

虎鬪龍爭一代雄天威猶在怒濤中江南千里連
湖北萬古蘆花起大風

小孤

九江東下水湯湯石筍中天出水長山水繇來皆

有偶小姑相對是彭郎

彭郎磯與小孤山相對俗稱小姑嫁彭郎今小孤山

有祠祀小姑蓋誤孤爲姑云

嶽影飛來乍有無南風不得渡鄱湖裁詩屢欲投

神女人道山名是小孤

山似瑤簫千仞出巉巖上有小姑祠南風十日雷

詞客細細雲中見玉姿

宮亭不肯一分風故遣江妃笑道窮山水有情憐

賦客明年還至蠡湖東

綠珠

越女能詩始綠珠懊儂一曲艷吳歛身輕好似飛

花墮化作明霞入太無

寄答新安黃黃生

淮清橋畔雨花間人至江南自不閒負爾黃山兼
白嶽秋來又掩水雲關

黃生洪仲舫吾知己分手維揚已十年黃在黃山
洪白嶽洪今已沒有誰憐

因君更自憶方舟白首風霜苦竹秋
洪有苦竹軒淚與
飛花吹不盡門前添作一溪流

洪仲當年著述多憑君收拾與詩歌黃山此日多
山鬼泣抱遺書向女蘿

第五泉

紅橋東望絳仙臺雨過江南翠色開地脉最憐邗

上好大明泉自蜀中來

泉爲陸羽所品居天下第一
五名曰大明泉亦曰蜀井

一片平山號蜀岡行隨燐火路
茫茫名泉獨作先朝物流出
采間姓字香

贈馮律天

久客遼陽識地形巫閭長白有圖經
南帆倘至采花水定向牀前拜管寧

從軍十六向遼東白首田疇未
有功兵法不須多記誦時來
婦女亦英雄

饑鷹那得久依人老向沙場
亦有神自在將軍元有命相逢
且醉秣陵春

朝天宮在冶城間未就丹砂已
駐顏年少黃冠皆

弟子仙經教授不曾聞

浮江作

浮玉天門上下標長江至此一迴潮青山盡向金陵出虎踞龍蟠爲本朝

讀東都賦有作

蘭臺三賦大文章此日東都恨未央更造人倫思建武重新天命望南陽

天門

梁山博望兩峰尊萬里長江此大門不使南朝長有此茫茫天塹復何言

青山雙挾大江飛飛到采家失翠微北望天門南

九子長風不解送將歸

寄程蝕菴

一浴湯泉六十秋衣裳皎皎月華流人間未有真
山水白鶴青鸞好自留

秦州作

城裏春流曲曲迷舟穿萬柳出長堤誰家疊石爲
丘壑自道人家似若溪
累土爲山武穆功湖波四面繞祠宮傷心一代冬
青樹葉葉枝枝是大忠

茱萸灣作和人

日暮天寒佑痾迴八鮮紛自下河來茱萸灣口銷

愁地更有茱萸酒滿杯

十月霜高野鴨肥家家秫酒不曾稀吳陵歲暮堪
爲客慷慨從君一典衣

浮家往金陵作

半船妻子半船書烟水蒼茫恣所如此去金陵四
千里不知何處有田廬
浮家已至蠡湖濱思向匡廬住一春瀑水遠從雙
劍落垂垂天外欲牽人

魯妃祠

有序

祠在陰陵山南插花山之上其神爲虞姬項王
昔稱魯公故姬曰魯妃云

陰陵南畔魯妃祠，俎豆人憐殉主時。
一片插花山上月，英雄留得照蛾眉。
佳人慷慨識時窮，不勸君王更渡東。
西楚實將天下讓，千秋人拜霸王風。

西湖曲

君似南高妾北高，兩峰相望夢魂勞。
蘭橈欲渡風吹轉，身在蓮中立不牢。

湖上作

湖光山色足傾城，況復芙蓉盡有情。
好在月中垂兩足，風流自古得長生。

湖如西子目曾波，却恨中流滿芰荷。
一片清光風

漱澗照人不在月明多

南屏寺逢孫宇台

一聲鐘動暮禽還秋色蒼蒼雨過山高士
繇來樓白社相逢嘯詠虎溪閒

贈盛南樵賣藥

自古仙人多賣藥風流我最慕安期今君莫使秦
皇得烟霧蒼蒼信所之

年來高士半韓康賣藥蕭然大道旁我昔先人遺
素問殷勤贈爾及丹方

吾家藥市近羅浮此去還爲采藥游欲補神農舊
本草期君共對白雲秋

舟中鳴琴與客作

汝爲流水我高山天籟何曾落世間一曲懷仙人
不見片帆空與白雲還

與五弟登子陵釣臺作

兄弟東西二釣臺揮杯遙勸客星來故人多已爲
朱鳥日暮招魂歌莫哀

灘中浩渺三江水臺下縈迴十九泉君作方干我
皋羽富春春枕落花眠

嚴先生祠以方干謝翱配享

湖上

落花半落鏡湖春無數鴛鴦戲白蘋吹笛一聲邀
海月月來先照浣沙人

題望京樓

心逐春光萬里流，回風吹墮望京樓。
江南盡是相思樹，和雨和烟繫紫驪。

送陳獻孟上橫州

清川一道從交趾，東下橫槎作大灘。
帝子袈裟遺玉洞，憑君爲拂蘚花寒。

自烏蠻灘上有一大岩相傳惠宗皇帝嘗憑其中

題顧子豐乘槎圖

上爲雲漢下黃河，一葦中凌萬里波。
牛斗繇來在足下，休從織女問如何。

軍行曲

一路鳴笳合短簫，大梅花向雪中飄。
天寒士馬愁

風雪羽獵無心去射鵬

暗傳軍號自嫖姚壯士銜刀慘不驕大砲一聲燈

火滅偷營欲渡府江潮

月出高天更沈寥三軍無語葉蕭蕭一聲掌號催

人馬夜半潛師已作橋

五兵相救短兼長左右藤遮兩翼張日日諸軍催

練習粵人軍器最精良

沙砲都須丈二長藤牌一輔花鎗縱橫只用鴛

鴛陣馬戰何如步戰良

花山何似鐵山強飄子東西總莫當多半歸降居

帳下花紅頭目更飛揚

多分伏路向林丘敵騎潛來甚可憂忽見黃旗摩
不止奇兵先出斬驍驪

肅肅旌門氣易秋一聲風雨起邊愁將軍善製鏡
歌曲一唱征夫淚不流

向夕旗幡四面收天鵝吹罷上更樓三軍一夜陰
傳箭火無光月不流

挑戰時時踰白溝刀牌好手夾蛇矛鏢鎗先擲身
隨入出沒如風敵盡愁

軍夜

夜夜身隨魂夢飛大江流水共東歸妻孥笑問沙
場事戰血花斑在鐵衣

自萬安上十八灘號子

湍流一道下臺關日日牽舟竟上山怪石預愁三
百里灘窮更有水灣環

水落沙乾舴艋遲漁人乘雨放鷓鴣天風不爲吹
帆席畱向灘邊作竹枝

一夜灘魚撥刺聲雨中偏得月華明平鋪瀑布衝
舟去白鷺無心亦自驚

百里飛流盡玉簾穿舟奇石水中潛灘師曲折隨
灘意笑指峰峰似白鹽

亂石穿流齒角長時時灑瀕隱中央平生未至瞿
唐峽只此銷魂悔下堂

故故欹帆衝礪礪不妨象馬拒舟來波濤鼓舞多
奇勢飛入窓中失酒杯

往來舟向沸湯飛四面峰巒翠作圍風攪雪花潭
底出行人八月已寒衣

水石爭飛窮水變時時巖口欲吞人能巖忽掠舟
帆過勢轉秋毫若有神

羊腸盡在白波中折入巉巖一髮通三老不須矜
巧絕沉牛人自答神功

漸近虔州鄉思催迎人已見鷓鴣來行時不喚生
憎汝明歲休教見嶺梅

林深知道有人家婦女喧喧上釣槎山主曉收刀

稅至灘頭煎取餅兒茶

灘邊人多種茶以茶製爲餅名餅兒茶

灘師拏柁勢能輕盡識中流怪石名千折不教毫髮失將人身入陣圖行

秋乾始見石巘崦一曲峰迴卽一灘熊耳紛紛無路入更愁渦底起波瀾

一灘清淺一灘深夾岍黃茅氣毒淫蛇虎無聲宜白晝沿洄且復弄花林

自贛上南安川路甚曲未至南康縣已有三十六灣舟人稱爲湘江灣云

三十六灣至蕉溪

在南康縣

九十九曲至橫浦

在大庾縣

舟

人道此似湘江削竹青青牽挽苦

山轉不知灘路盡
篙聲響處四山聞
石隨飛水層層落
中有人烟出白雲

曲似湘江色不如
湘江空翠映芙蓉
衡山九面皆臨鏡
清絕尤宜烟雨餘

千山秋草似雲黃
石壁橫開谷白光
白晝蟲聲多歎息
應憐遊子客蠻方

曲中贈朱十

一片晴雲天上流
忽聞歌響駐紅樓
陽臺昔日隨神女
雒水今朝倚莫愁

某明府納姬金陵索贈

美人爲政大河間
秋望羅浮放白鵬
秋浦繇來學

陶令二桐五柳共閒閒

已有芙蓉並蒂妍紅粧雙倚似非烟更迎桃葉秦

淮上共載梅花大庾道

雄人

從今左顧足鴛鴦兩兩識絲樂未央樂府舊歌三

婦豔豈知今在使君堂

太白風流奈爾何金陵小妓楚聲多天生三寸如

花筆只爲佳人畫翠蛾

始興江口

梅嶠春生霹靂泉流爲瀆水欲浮天新篔正有桃

花酒溪女鮒魚只百錢

銀瓶灘口號

銀瓶不解瀉流霞春水空然滾白沙如此風波宜
一醉醉眠江底眼生花

英德舟中與孔君奕

舟繫瀘陽夜欲分楸枰子落半山聞宣州太守吾

無用欲得君邊一片雲

時孔君得一英石名曰睡雲石

宿乳源道中

馬度橋南石路平黃昏未到乳源城山樓一夜驚
寒夢不辯余聲與水聲

二禺

南禺峰與北禺齊絕壁交飛萬仞梯帝子簫聲殊
未絕余風吹水暮淒淒

自清遠上三峽口號

生竹青青作挽強牽過七十二峰長峽口難高憂
挽斷三朝不得上瀆陽
難高峽小是瀆陽三峽無如此峽長一路天梯攀
不盡鷓鴣還與斷肝腸

西樵湖棹歌追和湛文簡公

二十三泉一半飛飛爲大小水簾肥湖中盡是飛
泉水曲曲隨舟上翠微

東北湖頭接白雲東南湖尾大江分諸峰不在烟
波外七十芙蓉總與君

芙蓉一朵一飛泉流作湖波蕩碧天十八花灣行

不盡江風吹上瀑花邊

潮泉

一泉天半有神靈吸得江潮上翠屏千里潮來清
遠峽不教一宿返南溟

金陵曲送客返金陵

文德橋東武定西燈船高與畫樓齊笙歌聲滿秦
淮水驚起啼鳥不得棲
雨雪官街夜市寒六朝燈火未曾殘城南步馬還
城北廿四航邊次第看
烏衣朱雀御橋通六代精靈在月中亡國祇餘春
艸色青青長向景陽宮

花間擎出玉盤遲正是江南九熟時靈谷櫻桃春
不薦杜鵑啼斷御園枝

麗華蘭麝在荒丘光氣長如匹練流南國美人元
有數江東天子自無愁

金吾舊有四花園東在青溪故址存不到太平歌

舞地從何落灑列朝恩錦衣徐公繼勳舊有四花園其在武定橋東者曰東

園一名太禱園今有樓僅存扁曰世恩又有扁曰青溪一曲築書

玉漱金塘濯錦餘武宗曾此得金魚紫雲一片

鍾山至長向樓端護御書東園有塘曰濯錦武宗嘗釣得金魚宦官高

價乎買之樓三字傳是武宗大悅世恩

長板橋通太液流月明遊女滿橋頭中山畫舫隨

人坐東泛青溪西莫愁

太傅西園在莫愁湖上舊有畫舫任人乘坐

飛橋三折逐溪長紅杏千株落水香十里溪雲連

古木陰森不見帝城牆

舊有長板橋三折

白鷺芳洲廿里長家家花發暖飛香輕舟未忍隨

潮去公主墳西弔夕陽

出駟象門濱河之西有國朝南康大公主園

閩汪文治始信峰艸堂紀畧率題六絕

占得黃山始信峰弟兄身亦一竒朶一朶復似寒

江子峰頂盤旋作擾龍

石壁纒寒江子獨坐五字歛人江天石所題也天石

與金正希先生同殉節

擾龍朶在峰頂高不及丈而橫枝盤廻垂蔭峰頂可數十畝望之若游龍

在霄漢故名

前海何如後海奇茲峰觀海更相宜白雲初起諸

峰暝萬里驚濤在霽時

觀雲鋪海莫奇於始信峯雲初起時諸峯盡暝久之

天宇晴明雲乃翻濤激浪茫茫千里

萬壑朝宗是白雲微茫不復海天分諸峰來去如
帆席風外濤聲寂不聞

終歲花開不辨名朝霞多是衆花成千巖萬壑花

分色雲海浮沉盡落英

峯下有散花塢花包巖谷高下悉與石平其花名色

皆莫可辨

穿地峰峰似籀龍采身繚繞玉芙蓉飛梯不向崕
端造咫尺應愁紫翠封

黃帝衣裳作海雲浮丘几席落花紛遺書續取先

司馬

韓道昆

便與山靈建大勳

爲姜子題歲寒圖

先朝一樹是寒梅竹篠參枝共翠苔與子共存高
節在天南方少歲寒材

咏秦夫人良玉

巾幗勤王舊有名羅敷同姓亦同情紅粧自可張
軍氣錦繖絲來建義聲

新安江生壽詞

三十才名冠六朝朱霞天半見丰標黃山亦是江
郎筆無數芙蓉削紫霄

白鹿驂乘弄紫簫玉瓶甘露手親調浮丘在左容
成右更授丹書佐帝堯

舟中苦熱

九月南天猶袒裼炎雲低壓舸船來清涼苦憶當年好跣踏層冰上五臺

團扇詞

蘋藻浮沉苦不同君憐豈必玉顏紅未秋團扇先捐棄明月團團在篋中

煎香

東官黃熟種成田香氣多宜玉片煎一縷氤氳凝几席爐中微出總非烟
朱砂瓦片更相宜煎取香魂宴坐時生結清甜過熟結兼金購得一枝枝

九江今作三湖水青艸茫茫接赤沙千里片帆同
落葉隨風飛向碧天斜

看劍作

劍氣時時似白雲時來不得更從軍青山只爲英雄
設老向采霞不事君

三月

三月潮魚盡上田漁人塞箔向江邊我家江口知
漁事著得漁書十二篇

白雨

炎天白雨早禾宜更爲園林熟荔支今歲無多黃
雨下農夫相慶酒杯持

昭君曲

憔悴朱顏出塞時
殷勤山上採燕支
無功正復慚西子
薄命何曾怨畫師

魂魄千秋逐細君
月明南指漢宮雲
將軍不奪關氏去
未見功名可冠軍

香溪曲

有序

羅浮山中人采衆香爲末
浮溪而下鬻於廣惠
二州是溪因名香溪

采香秋自香溪入
采藥春從藥市還
四百名峰行未遍
如何高卧白雲間

七十二溪流
水香香隨流水出
羅陽山中水碓家

家有香末春成卽稻梁

羅浮自是一香山香使山人不得閒
一棹香溪販香去香如塵土滿人間

馬留辭

山留銅柱水銅船新息威靈在瘴天
終古馬留稱漢裔衣冠長守象林邊
朝鳴銅鼓伏波祠大漢兒孫實在茲
一任金標埋沒盡馬人終古識華厓

寄無可禪師

羅浮采藥失佳期聞道嵩陽錫杖移
珠海含君千里月秋光長得慰相思

贈畫者張丈

丹青不覺老成翁，尺素長吹大漠風。
十萬驕驄驅筆下，人間誰似畫師雄。

曹霸丹青號作家，秋鷹一一起風沙。
老來鞍馬尤神妙，一掃橫飛獅子花。

萬里風沙一紫騮，筆端飛出玉門秋。
祇應燕領人騎得，西取天山到海頭。

黃毛鷓子海東青，盡作愁胡上素屏。
畫手不知秋眼疾，持來驚落白鷗翎。

毫端日日出奇毛，飛落雲霄未肯高。
愛向林塘驚翡翠，錦鞵不上武陵豪。

花農何似作香農香種成林卽素封兒女私藏多
血結煎來氣奪水芙蓉

朱厓

千里朱厓大海中珠官香尉往來通居人繡面爲
龍子競採珊瑚入水宮

聞蟬作

梧柳陰森隱畫船臨風日夕聽涼蟬食薇三載容
顏好誰信夷齊不是仙

夷齊食薇三年顏色不
異武王誡之不食而死

上瀧謠

上瀧下瀧舟不同雙船與石相爭雄我行亦與篙
人似半在船中半水中

船有雙
單之名

弔永福陵

在剛州

一路采林接海天荒陵不見見寒烟年年寒食無
尋處空向春山拜杜鵑

萬古遺民此恨長中華無地作邊牆可憐一代君
臣骨不在黃沙卽白洋

北狩南巡總寂寥空畱杯土是前朝憑君莫種冬
青樹恐有人來此射鵑

夜上飛雲頂

天鷄未喚滄溟日海蜃先銜若木霞獨上羅浮最
高頂一聲長笛月光斜

自秧家至黃岩道中所見

山女春晴采筍多林中雙踏落花過千巘艸長無
樵徑猿鳥紛紛下薜蘿
銀釵高髻帕輕紗谷口羣栽吉貝花夫在東菑望
朝饁唱歌遙下碧峰斜
萬樹青楓屋一間桐花白遍路旁山行人歇馬眠
春艸看盡徃姬大耳環

訶林

虞園雖是古浮圖訶子成林久已無一片花宮生
白草牛羊爭上尉佗都
訶子頻婆但有名菩提不解蔭二城天南尚有真
蛟蜃玉殿珠堂儼未傾

浮田

上有浮田下有魚浮田片片似空虛撐舟直上浮
田去為採仙人綠玉蔬上多菹菜

屈美人辭

有序

美人番禺屈氏女洪武間以才色選入宮恩寵
甚厚

新選珠娘作美人瀟湘香艸滿宮春離騷數為君
王誦諷諫心勞似楚臣

三閭苗裔在番禺有女多才似綠珠一入宮中稱
第一不曾歌舞上攬揄

送客出洞庭

自合麝脂染紫驪無聲已作一天秋沙邊久立期
飛將榆柳陰陰卸絡頭

題畫蘭冊

蘭爲香祖少人知花葉多因風露滋沅澧已無芳
艸地青青惟向畫中垂

羅浮夜半欲開時多謝微風不肯吹香隔山來歸
絹素祗應騷客夢魂知

平生作畫恨無師花鳥而今學已遲欲作道人蘭
弟子瀟湘雨寫枝枝

題畫

半掛峰端作數折人言絕勝谷簾泉盤旋欲下不

卽下似欲天風吹作烟

瀑花楓葉兩爭飛紅白隨風入翠微正熟蒲桃猿引子未殘明月客忘歸

秋夕作

雲漢低垂拂綺城夜深笳鼓漸無聲愁人不忍聞鴻鴈念是當年嬌女名

子有亡女生於雁門名阿雁

題鐵橋翁黃山畫冊

天都峰似仙人掌一見驚如太率峰掌上石樓無路上巨靈曾此擘芙蓉

天都峯

扶采直上鰲魚背太古苔花滑殺人石笋干霄吹欲折天風不惜玉嶙峋

鰲魚嶺

汝在羅浮紫翠重不知身亦老人峰仙人自古多

爲石黃石生時是赤采

老人

天梯千尺井中懸幢峽何如一線天分得蒼龍一

半險教人匍匐白雲邊

天一線

兄弟高居始信峰相尋不爲擾龍采鈎梯斷絕苔

生鐵食盡菖蒲花紫茸

始信峯

汪氏兄弟草堂

白髮長留太古身匡廬五老未爲真高高並立雲

峰上中有浮丘一丈人

五老

參天一半白雲封怪石株株是籜龍束取黃山千

萬筍歸來分作一峰峰

石筍

沿花一路水淙淙谷口人家吠小麗渡澗不須采

一臂雲邊自有白砂

白砂

風泉九道落龍潭飛過諸峰溼翠嵐夢裏不知真

瀑布只疑疎雨灑

九龍潭

白雲出入此峰門人作韶陽雙闕看何代雲根凝

作石穿雲直上翠微端

雲門

白雲爲水水爲雲萬壑千巖忽不分三十六峰鳧

雁似天風吹去總紛紛

雲海

從來狡獪是仙真蟬蛻猶能作石人相對峰邊疑

綺皓摩娑亦有老龍鱗

石人峯

采作蒲團亦可眠采毛短短軟于綿一株倒挂懸

崖上望似蒼蒼一朵烟

蒲團采

砂笄硫華氣易通溫泉迸出冷泉中丹光一片含

真火萬樹梅花染盡紅

朱砂泉

黃髮青筇逸興饒攀躋不覺上雲霄天教汝自羅
浮至添得黃山一鐵橋

瓶花辭

蘭菊芙蓉及野梅桂花同帶早霜開折歸分向銅
瓶插幾種幽香入夢來

秋日對花作

重陽節過卽芳菲么鳳枝頭啄不稀梅藥竟先黃
菊放却嫌綠萼得霜肥

最是稭蘭發箭長一莖二十四花香爭高穿出青

青葉貴種天教產五羊

花曆天南最不同吹噓不必定春風東君自解行
秋令先遣梅開九月中

九月初殘漸有霜益梅移近讀書牀花開夜半頻
驚起一朶渾如萬朶香

冬日對花作

六種爭開向藥欄冬來花事不曾殘天南春色無
來去長與東皇共歲寒

六種者梅菊月貴高麗菊雁來紅水仙

歲寒猶見衆花新幸作長春國裏人飛雪丹成先
贈婦流霞酒熟早娛親

蘭

蘭葉青青蘭葉長美人從古在瀟湘花多只爲三
閨發采入離騷萬古香

木芙蓉

芙蓉面面笑窺池在木還如在水時終歲芙蓉開
不盡木蓮枝接水蓮枝
枝枝向水影新粧開向秋深不拒霜萱艸不曾銷
客恨芙蓉偏解斷人腸

芍藥

千枝萬朵怨春紅白纈黃樓髻子中折向尊前君
不飲參差笑殺浣花翁

虞美人艸

舞態依依傍藥欄多情春雨未沾殘朱顏不與英雄盡秀作名花萬古看

老來紅

秋來花亦解還童楓葉凝丹與爾同衰白不愁青鏡笑玉顏吾定老來紅

口占答平山餉荔支

夏至先紅惟黑葉荔名連朝頗恨玉盤空因君飽食

思甘蜜荔支多食以蜜水解之珠玉爲心報不窮

苔高州道中苔蘚多如梅花所謂莓也

上有梅花下有苔苔花亦似落殘梅行人不識苔花好只道梅花不是莓

庭中珍鳥口號

花裏青鷄與錦鷄青鸞亦共白鷓棲青鷄頂上丹
砂好來自朱明洞以西
仙禽亦有白鸚鵡頂上一花蓮倒垂么鳳可憐毛
太綠畫眉亦自白雙眉
瓊州倒挂最知風鸚鵡西洋色更紅銀了不如金
了好不須剪舌語音通

鷓鴣

不戲新梅嶺上烟對啼偏向酒杯前三春悔作江
南客萬里愁當落日天

閨人寄遠曲

鷓鴣一赤一青衣比翼多年在翠微
南海有禽皆不北如何夫婿不歸飛

放鷓鴣詞

白馬雕鞍日日行
閨中不管綠苔生
殷勤放爾鷓鴣去
去到郎前啼幾聲

捕鱉辭

捕鱉三沙與四沙
秋來樂事在漁家
隨潮上下菱塘海
艇子歸時月欲斜

紫鱉迎潮復送潮
紛紛銜穗上蘭橈
鱉黃應月秋逾美
亂擲金錢向市橋

匡螿初蛻及秋肥
母鱉膏多肉鱉稀
飽食沙田霜

降稻潮乾拾得滿船歸

虎門潮水接牂柯春淡秋鹹蠓總多水肉金膏隨
月滿精華更奈稻花何

扶胥多蠓況霜天不獨河豚甲海鮮春蛻何如秋
蛻好拾來螯跪軟于綿

雪螺霜蠓總甘香瓊瑤羹清味更長家在鬱江多
海錯平生不愧打魚郎

打蠓歌

一歲蠓田兩種蠓蠓田片片在波濤蠓生每每因
陽火相疊成山十丈高

以石燒紅投海水中即生蠓

冬月珍珠蠓更多漁姑爭唱打蠓歌紛紛龍穴洲

邊去半溼雲鬢在白波

陳村口號

龍眼離支十萬株清溪幾道繞
菰蒲浙東釀酒人爭至此水皆言似鑑湖
漁舟曲折只穿花溪上人多種樹家風土更饒南
北估荔支龍眼致豪華

場師往往出陳村多種名花與子孫
買取芬芳三十本帶泥歸植白華園

十里溪邊夾水采竹深花密海雲封
人家盡在園林裏長短飛橋處處逢

花氣如烟咫尺迷詩人復在浣花溪
崙山子建名

雙著後起風流欲與齊

崑山名大任子建
必元皆姓歐

贈單翁

翁浙東人以順德之陳村水
好可作豆酒携家來釀致富

爲家只愛在陳村溪水滌洞綠繞門絕似鑑湖西
一曲釀成花露醉無言

子姪相將作酒家高頭豆酒勝流霞釀師遠自山
陰至此水爭言似若耶

此水天生作酒泉翁來更在浙人先人間致富無
如酒釀法殷勤向我傳

陳村果木多龍眼一一花頭飽露華翁欲酒香還
有法春時兼與荔支花

陳村只在海雲西山水何曾讓會稽太白只今逢

紀叟閒來一任老春迷

四皓當年似爾無朱顏白髮擁羅敷風流定得浮
丘術九十還能育鳳雛

已得長生賴酒杯素書時爲少年開老人豈必鷹
揚去令子行當虎步來

南海祠作

衡嶽精靈滿粵中朱明洞府總相通天教火帝司
南海萬古扶胥祀祝融

寄查韜荒

爲客相傳在豫章雷轟諸葛讀書牀高人豈可馴
龍性歸卧林丘策最長

寄岑金紀

談兵曾向岳陽樓自謂書生勝虎頭歸卧故山憐
海目魚花春截大江流

亦作池塘學養魚青桑葉映蓬廬何須老母哀
長劍自有真人識素書

天涯

天涯蕭瑟又逢秋不待霜飛已白頭明月何曾知
客恨黃花只是笑人愁

題席允叔冊子

允叔有詩存一書選
子詩至五十餘首

三閣苗裔有詩篇哀怨千秋莫與傳行盡江南與
江北知音人在竹林邊

題江丈小影

高柳垂垂拂曉空，愁心多半與天風。
羲皇以上何曾沒，總在先生夢寐中。

贈舊令樓君

黃花一丈似君長，十月炎天未著霜。
彭澤籬邊那有此，掇英頻泛酒杯香。
湘湖空憶紫萸時，一笑江山似奕棋。
種秫未收頻解組，流溪父老至今思。

贈某弁新婚

此日佳人宜換馬，而君偏惹麗華來。
燕裙趙帶從軍樂，不念閨中長綠苔。

髯美偏宜紅袖拂身輕要共紫驕馳早隨公主持
犀杖用洗夫人事莫使將軍戀玉姿

題葉氏山房

城外青山千萬重城中獨有一芙蓉君家正在芙蓉
蓉上一片樓臺雲氣濃

和人黃山雜吟

千峰雲起白龍潭玉乳泠泠滴翠崑斜倚瑤琴盤
石上卧看秋月出余杉

姑蘇楊柳枝詞

姑蘇臺畔卧經春歌管淒涼憶美人楊柳無情飛
絮亂可憐如雪亦成塵

水綠山青一片愁銷沉玉檻與銅溝生憎茂苑多
楊柳長使行人繫紫騮

家家垂柳繫相思沉復吳儂唱竹枝未曙啼烏腸
已斷行人難待月斜時

長條阿那不牽人一任花飛送好春未化浮萍猶
是雪宮鶯銜過錦帆津

美人香水尚畱谿谿畔桃花亦姓西無限風流與
楊柳千條萬縷任烏棲

露咽烟啼總不明飛花如送復如迎長條不忍輕
攀折爲爾臨風最有情

嫩葉柔條一夜長啼鶯催客到吳闔千千金縷多

情甚欲爲愁人續斷腸

四百橋邊茂苑東
纖腰舞殺爲春風
吳娘一一嬌鶯似生長
游絲落絮中

淺碧輕黃暖乍催
流鶯各占一枝來
相思化作江南樹
絲縷紛紛結不開

金縷垂垂拂水流
梧宮花艸不曾秋
蛾眉飛作天邊月
長爲君王照鳳樓

峽山號子

潮至胥江水漸微
峽門開處野猿歸
空王亦愛崑陽好
飛寺而今更不飛

送客

春艸方生瘴氣微
子鵲催客不如歸
漁舟但向桃花入
莫問仙源是與非

題袁壘名壽

墨氣空濛化水烟
春光猶溼半晴天
天生機筆下知多少
流出真如石上泉
瀑水長懸紙上聲
余烟浮動日微明
疎簾欲捲愁風雨
獨擁春寒寐不成

勿上人將乞荔支齋
僧爲說偈以達其意
嶺南珍果是離支
乞作伊蒲供導師
龍象能知瓊液味
餐時卽是報恩時

懷李生哺園

之子娛親有一園竹花桐實繞芳萱白門多少慈
鳥鳥反哺如君更不言

春望

烟雨催春春欲歸荒城最少是芳菲生憎浦口多
鴻雁食盡蘆花未北飛

懷灝靈樓

在兩嶽南門

雲邊長憶灝靈樓峰似蓮花朵朵浮玉井上通東
井宿天河下接濁河流

高高仙掌正當樓雲際雙垂白帝旒漢柏唐松蒼
翠甚不須烟雨已成秋

春賽人多向嶽宮紛紛雞鞠是秦風樓中白帝筆

琵琶繞妓女邊粧隊隊同

過滌唐精舍有懷亡友英上

蘭若初開水竹邊故人多半此棲禪
蟬蛸最是英居士欲學無生未有年

東羅顓甫

白首爲儒尚未醇斯文菽粟更何人
紫陽羽翼期吾友及此林泉自在身

觀象作

勸汝長星酒一杯何勞空指白龍堆
乾坤自合歸沙漠日月從教在草萊

沙亭漫興

先公留得宋時村喬木家家影在門一水曲從江
口入人言風景似湘沅

村南村北一溪分咫尺橋梁隔暮雲雞犬無聲人
寂寂羲皇一枕至斜曛

丈人偃偻八旬餘口授諸孫不用書爲愛榕陰風
日好移樽相與膾黃魚

蕉向心中抽葉葉凌朝露重苦低垂深秋子熟香
甜甚持作酥醪不用炊

風含落葉易成悲葉葉秋來亦有思蕭瑟最愁蟬
響外一聲先與夢魂知

溪上

烟波一片靜含空
雨過漁梁處處通
明月有聲聲
在水涓涓流入玉琴中

微微木葉點漣漪
潮去潮來白鷺知
魚食秋光浮
出水竿頭不用繫長絲

流盡愁心是此溪
新生秋水與橋齊
牛羊爭道過
清淺楓葉蘆花踏作泥

初秋

八月天風始作秋
松聲吹得一山浮
寒隨片雨來
空外蕭颯將含一片愁

自題易葉軒

葉葉霜紅寫幾秋
微言多爲古人留
畫屏豈有庖

犧易一片天心似水流

蟲書葉葉是河圖畫卦當年得見無花絕無言吾亦爾馨香吹出一林孤

一庭梧竹最宜秋蕉葉新書雨不流人是羲皇高枕外黃花亦爲羲熙留

淺樹蟬聲慰寂寥無人風葉自蕭蕭日長觀化無餘事周蝶何知又一朝

九卦先生憂患餘年衰一倍惜居諸思求易史蓮鬚閣表裏春秋作一書

九卦先生予之自號也
黎美周太僕曩撰易史未

成予將繼之蓮
鬚閣太僕讀書處

步出一天門北望白雲山色作

山翠陰陰欲變霞
水簾開處有人家
生憎洞口暮
蒲水片片隨流是落花

谷口烟深畫不開
松聲捲起鶴舒臺
風吹瀑布時
時斷飛作晴川數道來

懷沙亭獨坐有作

宴坐山亭動一年
光風霽月本非禪
無言最與梅花似
開落教人見自然
咫尺江門有我師
依依孀母白頭時
文章直與天無作
畫破鴻濛笑宓羲
一片神明在玉琴
圖書先得古人深
天邊况有團圓月
流出寒光是此心

吊龍津李氏六烈

冬青一樹分男女，近日男青讓女青。
不見龍津諸女子，萬年枝下顯精靈。

女青一名萬年枝

題綿羊圖

平沙漠漠艸如茵，只見綿羊不見人。
北海不知羝乳否，白頭蘇武欲歸秦。

春日仙寒艸堂作

一聲黃鳥一深杯，盡日林中戶不開。
惟有東風憐寂寞，時時吹得落花來。

增城道中作

青青山色每窺人，林外煙含一帶春。
昨夜風吹新

水長桃花片片逐游鱗

口占送人還德慶

三峽羚羊大小湘牂牁江水貫中央
江干十月嘉魚美白舸隨君返故鄉

送戴使君

君向珠池作大官三年未得夜光看
心知更有明珠好好似天邊白玉盤

天南處處是貪泉不飲何如飲者賢
香浦只今無兩浦君船尚有水沉煙

詩篇一一擅風華高義還如海上霞
以我故人雙季布知君當日一朱家

旌節翩翩度嶺雲紅梅不及爾清芬慚予亦與羅
敷似不識東方一使君

咏史

黃雲一望斷人腸天嶺東南是故鄉十六軍州成
大漠石郎妻子亦遼陽

能爲漢語亦多情夫婦雙吹木葉聲教上辭鄉高
嶺望雲邊尚見塔兒城

戰敗牛羊棄玉河穹廬不見百頭多天寒艸穀無
尋處冒雪方乘白橐駝

松林拋蓋不曾遲鬼向陰陽食有時正是南朝寒
食節思歸莫使漢兒知

蛾眉隊隊出龍沙橫帳前頭哭落花秋夜只須煩
蔡女爲傳哀怨與金笳

風急霜鷗落羽多茫茫沙艸失凌河群飛野馬人
爭射日暮催歸有海螺

魚皮種落在扶餘婦女人人解射魚持取小魚爲
絲縷繡成方領似芙蓉

魚皮新作羽林軍毳帳橫開長白雲遼海多魚持
作飯黃羊不用射千群

八月遼陽雪已飛紛紛乳鴈起南歸西風一夜催
砧杵木葉征人淚滿衣

松杏相連紫翠開峰峰亦解向南來

卷上一山有
二十餘峰

峰向

血花紅作燕支艸漢女休持上鏡臺

萬里城橫內外邊築愁知自祖龍年何如引取黃

河水直繞遼東到朔天

示榆林君

而姑昨自越王臺遠寄珊瑚筆格來寫就玉臺新

詠未蘭花欲向腕邊開

送人上頂湖

瀑布東西水大飛日光晴映玉簾肥天湖開向千

峰頂遲爾秋來一浣衣

楊花

風飄一夜落南家連臂歌殘是白花不愛胭脂紅

上靨但憐飛絮滿宮斜
半作香泥吹復飛茫茫
一片逐春歸春歸有路從
煙水愁絕楊花蔽夕暉
沾泥落水不曾知似雪飄
颿得幾時爲語東風莫
吹盡留將一片與游絲

柳

不恨楊枝恨柳枝牽腸
一種亂如絲啼鳥爲爾頭
先白正是花飛似雪時

臨風舞斷細腰肢
不管黃鸝在上枝拂水
千千那忍折長條猶記短
條時

一片花飛似白頭爲萍亦復逐風流
銀裝箏子紅

牙拍誰按楊枝不起愁

浮瓊海

風帆朝自石塘開白浪如山萬里來白是海天青
是水茫茫不辯有瓊雷

一氣空濛作海天風吹飛水白如煙三潮三汐東
西至捲去長沙不見邊

島嶼沉浮一點青雞聲髣髴在空冥斷虹一片天
邊起亂落風帆向翠屏

明妃

陰山一望戰雲寒漢月淒淒不忍看都尉不辭封
右校明妃何惜嫁呼韓

自作新辭教綠珠明君舞罷賜珊瑚翔風莫抱房
中怨塞上闕氏似爾無

琵琶馬上送蛾眉漢帝恩同公主時善舞明君梁
氏女不甘秋草學闕氏

文君

綠綺琴聲亦是媒人間那得長卿才白頭嗟罷重
歡好也似長門一賦來

韶陽道中望諸峯

削出枝枝是籥龍無人道是一峯峯山靈作意爲

韶石欲使巉巖似次宗

舉山號次宗

送人之雲中

山西門戶是雲中上谷三關俯漢宮君向長城城
上望秋鷹應念邳都雄

送人返徽州

黃山白嶽夢魂間之子乘秋一杖還洗研莫污飛
瀑水濯纓吾擬向潺湲

和太倉許子題宋高宗賜岳武穆王班師手

詔後

許嘗于武陵署中見岳氏家藏此詔係
高宗手書字大一寸雄健遒緊詞亦斐
然上有思陵花押及御璽一顆大
徑二寸疑卽十二金牌之一云

自寫班師詔紙來思陵花押璽函開東南自足爲
天子一片湖山繞露臺

龍顏多爲講和開有詔班師手自裁雪恥枉居勾

踐國會稽山解笑人來

詠吹笛者

驚鴻不似似行雲日夕含香笑語芬應是綠珠高
弟子笛聲吹出舞明君

琪林

琪林日暮喜乘涼羽客殷勤拂石牀欲得銀鈎眞
與艸白鵝多養在池塘

故苑

故苑昌華在海頭離宮亦傍荔枝洲蟬聲如水流
高樹催盡斜陽又一秋

子陵

臥見君王在北軍，客星光射紫微雲。
狂奴但肯爲巢許，已是中興一大勳。
前有商顏後富春，漢家高逸兩天民。
釣臺雙向青天出，香餌何曾到錦鱗。

偶憶春州十三疊瀑布

陽春白水十三疊，勢比增城白水長。
更有崆峒巖洞好，龍牀偃臥絕清涼。

一疊冰霜一疊雲，峰峰霑溼女蘿裙。
白猿不敢潭間飲，鎮日雷轟隔嶺聞。

蘭

蘭葉青青不厭長，宜陰一半又宜陽。
花開多在微

風外夜靜無人始有香

喜謝九丈自莞中見過之作

咫尺鄉園未得還城中閉戶亦溪山故人只有香
農父來共桑書一日閒

汝種多香與子孫勝於全買荔枝園紫囊一樹人

爭食明歲招予作白猿丈有荔枝名紫囊最為珍品

相見無多萬曆人白頭冠簪是遺民山中酒熟須

多飲爲我長留太古春

白髮翩翩海鶴姿河清已過杖鄉時歲寒不用愁

風雪自有春陽到柳絲

嚴關

巖關爲桂林之咽喉上有秦城

雪至秦城不復南巖關一道滿烟嵐
枯間欲訪秦皇廟匹馬盤迴上玉簪

秦城長比越城長築怨當年在瘴鄉
天作巖關元限越東南天地總羊腸

夫溪曲

夫溪在仁化縣東北百里昔有戍婦送其夫至
此哀動行路故以名

夫溪溪水水分流流向東西似御溝恨絕當年征
戍婦潮痕長與淚痕畱

鴛鴦不向此溪游豈有鴛鴦得白頭
溪水不將濃

淚去淚紅長似落花浮

燕子泉

燕子泉在翁源治之右春出秋伏與燕子同來
去故名

秋去春來同燕子翁山山下一蒙泉入泉與爾同
天一流出千巖萬壑烟

詠羅浮

浮山浮海自東來嫁與羅山不用媒合體真同大
與婦生兒盡作小蓬萊

四百三十二兒孫上界

峯名浮山絕頂

飛雲

峯名羅山絕頂

勢並

尊浮嶽不將羅嶽去白雲長鎖洞天門

飛橋天半接羅浮，鐵柱雙標在兩頭。
鎖住蓬萊東一股，浮山不逐海潮流。

瀑泉無數落峰腰，九百還餘八十條。
布水不言盧嶽好，泉源福地是東樵。

東瀑何如西瀑長，交飛雲際似鴛鴦。
瀑花吹滿黃龍洞，冰雪人愁六月涼。

一簾飛水掛雲高，半落流杯名池與藥槽。
風捲寒聲入天際，時時散作萬松濤。

丫髻雙開紫翠新，瑤臺石笋鬪嶙峋。
笑他玉女峰娟妙，長伴雲邊一老人。名峯

一道飛橋乍有無，臺邊問路得麻姑。
石樓大小中

天出開闔何人在玉壺

送人入羅浮

天邊飛磴似橋飛玉柱雙雙夾翠微自是鐵橋人不識君行好度莫來歸

祇愁蝴蝶大如箕食盡山花人不知紅翠紛紛難與守芳菲又過艷陽時

仙禽五色不知名日夕相依最有情莫捕林間小鳳子裁爲羽服似雲輕

山衣一襲似輕霞著去東尋夢綠華縫用麻姑金線艸補將玉女大丹花

青旗江口所見

微霜生暖雪生寒魚愛新泉上釣竿漁父掛帆二
水去白頭人作鷺鷥看

席上談及羅浮神蝶有賦

蝴蝶元生蝴蝶洞仙胎不必鮑姑衣天教鳳子如
箕大不向梅花嶺外飛

羅浮有
蝴蝶洞

五色文章亦羽毛仙靈變化在金膏雌雄却笑蒙
莊客栩栩空教夢寐勞

廣州竹枝詞

邊人帶得冷南來今歲梅花春始開白頭老人不
識雪驚看白滿越王臺

日食檳榔口不空南人口讓北人紅灰多葉少如

相等管取臙脂箇箇同

佛桑亦是扶桑花朵朵燒雲如海霞日向蠻娘髻
邊出人人插得一枝斜

洋船爭出是官商十字門開向二洋五絲八絲廣
緞好銀錢堆滿十三行

十字錢多是大官官兵枉向澳門盤東西洋貨先

呈樣白黑番奴擁白丹

白丹番酋也

女葛無多况女香紛紛香尉在炎方歸舟莫過沉
香浦風雨難留一片黃

好筭是人家裏竹好藕是人家裏蓮好崽是人家

女婿鴛鴦各自一雙眠

崽音宰粵人謂子日崽

題煙波垂釣圖

鴛鴦湖水連長水漁父而今有一人白白鱸魚人
不識蘆花多處日相親

龜峰白雲

爲徐孝子作

離離宿草幾經春萬里相尋珠海濱母子絲來如
水月黃泉重見不關人

君尋其母遺骨得於龜峯之下

東望遼陽淚並流翩翩歸鶴向浮丘白雲終古隨
魂氣飛作天南一片秋

君招其父魂於遼東合葬

題東來紫氣圖

舉陰尚有青牛樹樹亦猶龍似老人紫氣氤氳在
枝葉持來爲爾五千春

詠馬伏波

將軍南涉武溪深雙植金標鎮象林銅鼓鑄成奇
馬式漢皇畱在馭娑陰

麓冷雙女自爲王錦繡旌旗海上張一自伏波親
討伐日南長作漢封疆

飛鳶站站墮炎雲薏苡加餐蒞政勤駱越至今遵
約束歲時頻祀馬將軍

見初月有懷

娟娟初出絳河濱只見蛾眉不見人欲寄清光與
卿去風吹不肯落西秦

一半晴光一半陰相看只在碧天心盈盈最恨明

河水長爲牽牛織女深

贈東莞葉君

千畝香林在莞中君家正是蜜香叢羅浮四百銅
鑪器一氣雙煙處處通

素馨斜

花田舊是內人斜南漢風流此一家千載香銷珠
海上春魂猶作素馨花

題西寧張邑侯山響亭

官舍蒼蒼萬疊山琴聲半落瀑泉間春風只自絃
中出吹得桃花去復還

柱笏朝朝見翠屏瑤琴色映數峰青陶公自有無

絃者寫出元音滿訟庭

貧居口占

乞食長生一木瓢香粳爲粥手親調
八旬堂上老萊母鹽豉加餐暮復朝

膝下黃頭歷齒多休慚兒子且高歌
七旬始得完婚嫁五嶽其如欲往何

彫胡飯共露葵香白髮清齋苦北堂
疎磬泠泠花架下春來強健佛聲長

甌中粒粒硯田來雲子香流齒頰開
世上儘多仁者粟陶潛未有叩門才

七齡黃口謝家兒解愛葩經絕妙辭
初讀未終三

百五頻將比與問經師

題畫竹卷

誰寫枝枝竹影長
墨花飛處卽瀟湘
瑯玕不必栽
千畝自有清陰滿石牀

翡翠

雌青雄赤是魚師
日夕清波浴不遲
低處爲巢因
愛子花工捕向月明時

杜鵑

生作春鵑只苦啼
山山紅染落花泥
天教怨鳥催
人老一夕星星白髮齊

題王給諫烏絲紅袖圖

王邵陽人

芙蓉無數水中開化作鴛鴦七十來爭愛夕郎辭
賦好持箋一一向琴臺

太率仙人魯女生三千玉女不知名何如少舉黃
門客解和詩篇有麗英

西從西嶽至羅浮詩滿天邊二石樓五色仙禽多
狡獪麻姑教向使君求

斑駁携得素馨花陸賈風流映漢家一片羅陽歌
舞石看君飛滿筆端霞

題五詩人圖

秦人 孫豹人 吳賓賢

郝山漁

王幼華

汪舟矣

英人

詩人復有五君賢渭北江東嘯咏傳一片丹青爭
畫出風流誰復羨凌煙

題畫

枯樹橫斜似酒龍不須奇石已成峰
朝來墨氣淋漓甚寫出秦時煙雨容

玉井移將入畫圖芙蓉十丈世間無
三花直與三峰似開向仙人白玉壺

題寒江釣雪圖

兩雪江中一釣竿天生漁父不知寒
蓑衣白盡無人識都作雙雙白鷺看

觀彭子與蘇子別有作

珠水今春柳葉遲因君不忍吐長絲
將歸一曲尊前唱黃鳥無聲爲別離

山木歌殘不自持情深重使越人悲天南自此多

連理細葉榕陰滿水湄

榕一名連理樹

舟自康州東下作

大湘未盡小湘來兩岼青山向峽開直到巖岼江
始放西江倒捲北江廻

羚羊一口雨中開潮截牂牁水倒廻四月魚花猶

絕少抵因西水未曾來

黃魚不取取嘉魚舉網頻乘細雨餘一夕錦江新
水長雙帆未肯返扶胥

絳桃

露井桃花似玉妃東皇頻使著緋衣晴開朶朶如

杯大醉殺朝陽露未晞

題扁舟圖

孤帆一片沒浮雲可惜舟中只有君
相送夷光五湖去風流誰似白鷗羣

吳江曲

吳江風味勝姑蘇玉鱠金羹世所無
橋北三腮休道美橋南更有四腮鱸

鴨嘴船輕去不遲吳兒十歲作舟師
舵樓有女歌相接唱罷楊枝又竹枝

鶯脰銀魚細似絲紫鬚秋蟹飽霜時
鱸魚肉緊堪爲腊絕勝吳淞人不知

尖頭船子蕩田邊
蕪線秋來處處牽
更向越來溪畔去
吳娘雞豆點茶鮮

題陽春白水之山

匡廬三疊掛虹梁
復有黃山九疊長
爭似春州十三疊
交飛白水一天涼

掩扉

半掩山扉及晝長
登高不赴小重陽
三真六艸教兒女
寫盡秋林葉葉霜

覆額

覆額蘭雲漸欲長
未簪花朵髻先香
芙蓉結子何須早
且爲佳人一拒霜

題畫紅梅

姑射仙人處子同玉顏
偏愛老來紅微醺絕與紅
梅似雪染臙脂兩頰中

題畫梅贈同庚劉叟

仙種分從太古天
歲寒枯樹與同年
白頭不管如冰雪
自有春光絕代妍

東向

東向金陵蕩畫橈
愁心不逐暮烟消
多情最似江南柳
盡日依依爲六朝

斷腸

斷腸無計更畱歡
鳳去羅帷香未殘
畫下空簾愁

脈脈秣應花作美人看

春水

春來新水滿炎洲步步魚花載滿舟
天半羚羊懸一口西江吞吐北江流

仲秋五日客端州承太守王公招同諸公遊
七星巖分賦得秋字

芙蓉一朵一丹丘紫翠長含一片秋
太守殷勤是山水閒同上客弄輕鷗

翩翩白鹿夾車遊自得神君歲有秋
謝眺最宜山水郡金波麗句照炎洲

中湖山作七螺浮勢截牂牁上下流
石筍中通多

地道東西穿出大龍湫

天光日與水沉浮清絕湖風不待秋吹盡七峰珠
斗影白雲不使鏡中畱

禮加徐孺動南州政暇還同煙水遊鸞鶴只知能
嘯詠一聲寒作碧天秋

送麥子之裕江

聞道鱸魚三泝多季鷹秋興在煙波君行更盡吳
淞酒身後浮名奈爾何

風吹不散落花愁淚共三江江水流一代紅顏是
知已爲予多謝月珠樓

室與有徐氏女字相徐溥
之孫也最賞予詩謂爲天

下才

明到紅梅古驛邊停車且傍酒家眠酒星天上應
無酒不若人間作酒泉

示秀容

昔年曾過秀容樓

在忻州

樓上佳人挽紫騮今夕秀

容來入座昭君一曲淚還流

萋葉結成雙蛺蝶檳榔一瓣在中央殷勤贈與青
蓮客入口甜如玉女漿

席上贈葉仙

吹人無那素馨風更送桃花上臉紅但得佳人稱
太白不辭沉醉月明中

葉仙三稱予太白先生予喜爲盡三爵

讀史

慘淡龍顏向六軍馬嵬山下血沾裙當時何不棄
天子直抱瑤妃入白雲

豐湖

內湖水暖外湖寒看殺鴛鴦忘釣竿一葉一花都
弄遍月明還向大夫灘

湛烈女哀詞

有序

烈女增城人父翼卿爲湛文簡公裔孫女年及
笄受聘吳氏子丙戌廣州失守女懼辱投井中
死吳氏子欲迎喪以歸族人不可有李儒生者
持議乃得迎喪一夕月明李見一好女子身被
濕衣前拜曰妾湛氏女也非君執正游魂無依

矣請君賦詩志妾之死以着字爲韻言畢而滅
李素不能詩是夕才思臆發成七言律二十章
弔之余聞而和焉

霧隱芙蓉未見蓮爲歡貞介結禱前頻同雒女沉
羅襪不使蕃兵拾翠鈿

妾被驚風斷兔絲君看明月憶蛾眉泰山不棄孤
生竹猶把枯根種玉墀

春魂化蝶恨難消誰使韓憑放大招賴得蹇修明
禮義女蘿雖死附松條

不藉少翁歸夜月不隨神女出朝雲明詩習禮陰
陽隔欲報瓊瑤故見君

四關烈婦詩

有序

關氏南海九江堡人適梁飛慶飛慶死或勸之
改嫁荅以有姑未幾姑死關氏出火夫棺投烈
燄中死

儂有青蓮不獨枝太阿難斷藕中絲纏綿竟入洪
爐裏一氣凌霞無盡時

丹心一點在蘭膏生得芙蓉並蒂牢光采流連欺
皎月夜臺相與樂衾幃

關氏南海九江堡人夫朱冲一死無子關將事
舅姑惟謹比立嗣子訖慟哭以死

浮萍無水復何依絕代芙蓉露易晞哭向黃泉同

穴去恩情不減華山畿、
采得明珠可報君便歸泉下逐鴛羣長歌直入桐
柑裏一片哀心徹白雲

關氏南海九江堡人夫曾某丁亥敵攻九江執
之關氏義不辱被害

天生意氣在鴛鴦錦翼那憂胡騎傷一笑春風過
白刃不將顏色媚名王

關氏南海九江堡人適曾錫禧其母爲賊所害
關氏奔赴賊營慟哭賊欲畱之罵以死

白楊利刃挾娥親奮欲誅讎不顧身生母不能空
死母哭聲應解動黃巾

梁烈婦 有序

梁南海人同邑賴萬生之妻丙戌廣州破萬生
被害兵欲犯梁梁墮樓而死

流黃織罷淚雙流笳鼓南來咽暮秋梁氏自來多
意氣爲君還墮綠珠樓

綠珠姓梁

烏鵲分飛一曲終青陵臺上信難通妾心自有扶
桑日杲杲光生大雨中

黃烈女 有序

黃烈女南海九江堡人父名錫球丙戌女年及
笄值賊至將掠以行女曰吾頭可斷持槌大呼
與賊力鬪而死

芙蓉本是拒霜花
燁燁紅粧帶日華
強暴一朝來
感悅遂令貞玉委塵沙

曾從越女學
干將電擊星馳巧
異常力盡佳人惟
一死血花開作杜鵑香

某君年七十餘納雙妾賦以贈之

長生有術在香閨
方朔年年取小妻
自可鴛鴦成
七十莫教蓮葉有東西

張蒼飲乳不曾遲
白首偏多素女師
一曲同聲雙
唱處桃花紅映古
裕姿

白頭偏解愛芙蓉
兩兩鸚鵡夾老龍
最似羅浮雙
玉女朝朝青傍
老人峰

送林木文還嘉興

鴛鴦湖水連長水寶帶還如錦帶長玉乳秋黎應

已熟君歸多摘帶清霜

嘉興有鴛鴦湖長水寶帶錦帶水

野田黃雀及秋肥稻蠊銜霜亦不稀一棹鏡香亭

子外白鷗驚見故人飛

嘉興黃雀特佳有亭曰鏡香

過定思族翁斫鱸作

出水鮮鱗作鱸宜蠻薑蜜酒沃紅肌相過一味魚

生足不必重爲雞黍期

鱸成雙蝶食如流冬至魚生絕勝秋明歲方塘思

佃取養魚經向范公求

長思

壓酒長思鎮朔樓
鈿箏低按小雲州
樽前亂落鷺毛雪
半爲天寒駐紫騮

小獵長思雁代西
雙穿紫兔在花泥
月斜不返隰脂馬
共枕琵琶毳帳低

歇馬長思金粟城
索郎甜美月中傾
荒雞不解畱人客
行到黃河天未明

果市

冬仲山城果市齊
香園朱禍壓林低
無錢亦得柑頭飽
賭核贏來賤似泥
橘柚團團併手長
玉盤堆滿一冬香
苞珍最是炎方盛
不獨枝圓作果箱

南粵閨辭

香貂雙覆錦衾齊
雨灑船牕夢戍西
潮水未曾生
夜半長鳴恨殺九真雞

弄雛軒作

左有香東右墨西
鴛鴦對對錦毛齊
白頭烏母將
烏子百歲歡娛在玉闈
蛾眉過眼不嫌長
多食梅花語笑香雲影
太高宮
髻樣月華全映墨
花裳
鳥漸多聲到畫檐
更餘蝴蝶細穿簾
晴催稚子開
黃卷暖課閨人寫素縑

春水

春水諸魚嘯子時西江步步有漁師雨多榕葉溪流塞細掇文漣下釣絲

有贈

頻將摺扇索詩篇王逸多慚白練箋知己誰如蕭穎士有人高出士夫前

權一花紅白二色

榮落須臾亦弄姿白中一朵半臙脂佳名愛老風流甚清露花翁浣莫遲

權一名愛老

丈菊

挺出東籬丈許長越人爭道女華王霜英未易枝頭掇一一高含歲晏香

咏金陵曲中遺事

國初南院首皇州官妓居連十四樓手帕結成多

姊妹春盤笑爲賞燈留

國初金陵聚寶門外建輕

以聚四方賓客洪武中揭靴有宴

江南市樓詩云詔

宴苑外鶯花又賜醮趙少女酒翻

歌扇淫燕姬香襲

締締宴集皆用官妓與唐宋不異

後始有禁耳

詔出金錢每賜醮簪纓一一赴當

爐輕煙淡粉樓

偏鬧占盡鶯花絕代無

秦淮燈接鳳凰臺勝會相將盒子開未暮私將簾

半捲外人知道所歡來

色藝俱優者或十餘人結

擊相賽謂之盒子會備品極其珍異

負者有罰所

歡亦各携其助之粉垣竹闌白晝垂簾

客至叩門

而入簾半捲則已有
所歡他客過而不入

曲中女士愛藏書寇四牙籤盡不如今瘦古肥爭

學帖手抄還向晚粧餘

曲中多藏書家老寇四所藏抄本說郭滿四架今世

所行但百
分之一耳

春草

龍消香粉鬱金油掠髻光同素面流春草自來偏

善舞弓腰貼地解人愁

白樂天有姬
香草善舞

染衣

水沈煎水染衣裙生長香林飽衆芬東莞女兒香
角好笑他黃熟不堪焚

贈夢娃

人從西子始稱娃再見娃羸美可懷夢裏苕華光

照室英雄事業墮裙釵

秦人謂女子曰娃娃字

時吳廣內其女娃羸方言曰娃美也趙世家曰

薄粧詞

兩頰初成酒暈時桃花粧淺稍調脂卿卿欲識春

山好五嶽三峰盡在眉

卻月橫煙十樣眉唐時尚濶有誰知從郎索取生

花筆小按圖經勝畫師

示女明珠

小木家傳女四書可能箋注若華如平生列女吾

多傳要汝聰明記有餘

班姬女誠馬倫分春汲還鄉學少君汝亦漢儒南
郡女布裳椎髻扇清芬

寒塘曲

共照寒塘秋潏潏波心恨殺芙蓉占生憎郎愛水
中人笑與芙蓉看不厭

金鳧曲

雨聲滴徧曲欄杆燈地香消夢未安帳底金鳧誰
得似無情徧煖有情寒

春山

春山只在翠眉間休向雲門鏡水攀鬢影吹人香
不已羨他蝴蝶逐風還

秀州曲

寶帶長連錦帶長兩條長水總牽腸燕梢船上輕

搖櫓不采儂蓮到鏡香

寶帶錦帶長水皆水名燕梢小船名鏡香古亭

名

燕來春笋似纖纖細撥銀箏向酒帘一唱楊花人

盡醉阿儂情比月波甜

笋之早者曰燕來吳船女郎多入市唱楊花曲

月波秀州酒名

玉乳新梨軟瓠犀甜輸朱橘洞庭西秋來下酒宜

黃雀挾彈梅花何處溪

嘉禾有玉乳梨西洞庭山多朱橘禾中黃雀晨

映梅里
有梅花溪

知道

知道楊花愛作萍故將飛絮攪空冥依依却是無
情甚折盡枝條勿使青
風花欲去向誰邊化作香泥色尚鮮最是東君無
力甚難畱一片畫欄前

木棉

春暖春寒二月天祝融祠畔冶遊偏木棉花老頻
飄絮如雪紛紛墜錦鞵

朶朶開殘口有綿雪花飛滿女郎前織成白縠溫
柔甚持與蘭房作褥眠
朶大堪持作酒杯紛紛小鳳藥中胎猩紅染盡春
毛羽又向山丹樹裏來

山丹 一名珊瑚樹

處處珊瑚競作叢，珊瑚不產海波中。
無人識是珊瑚樹，道是山丹與艷桐。

焚香曲 七首

郎如朱火妾青煙，一氣氤氳出玉煎。
沉腦成灰應不惜，祇圖香在夢魂邊。

節爲沉水花雞舌，兩種香含心字深。
多謝博山鑪器好，雙煙不斷至于今。

煙積蘭房鬱作雲，積雲成雨溼羅衾。
無煩百寶兼千和，香在佳人一片心。

香奪瓊南第一林，成樸不必待成沉。
儂如熟結郎

生結一片芬馨直透心

血格生煎勝降真却嫌沉速味多辛
女兒香角尤恬靜非霧非煙一縷春

鴛鴦噴出篆煙來細逐遊絲轉鏡臺
裊裊香魂微有影不教蘭麝卽成灰

辟邪裊藻兩爐輕被底香毬更有情
展轉不離君玉體房風遺製鑄初成

馮小憐有銅足爐曰辟邪手爐曰裊藻香毬卽被中

越臺新柳

新年柳葉已爭開絕似江南二月來
自是炎方天易暖春光先到越王臺

濯濯風枝半作陰
新條不遣舊條侵
自來珠海多春色
垂柳垂楊亦繫心

百尺絲陰拂荔磯
吹綿未共木棉飛
玉山香浦攀枝外
新綠輕輕染翠微

未作鶯黃綠尚輕
垂絲一半拂春城
風流絕似靈和殿
不待條長已有情

流亂輕絲不自持
依依最是嫩條時
春來幾日猶無力
葉葉吹開未作眉

掩映花田乍散風
幾株抽翠已連空
行人莫向朝臺折
畱間班枝二月紅

垂柳炎州自昔稀
幾家新種未成圍
江南江北無

人處黃鳥枝間正亂飛
舞殺東風絕可憐思同人柳只多眠漢宮一樹風
花亂吹落昌華舊苑邊

同心同折一枝迴絲縷因風結復開已苦春愁如
雪亂莫教花絮更飛來
家住金陵復得無白門楊柳可藏烏漢宮眉黛三
千綠葉葉枝枝是畫圖

楊枝

不唱楊枝唱竹枝誰憐花淚碧離離南梳北裹無
心好辜負春光絕麗時

對瓶花作

日插名花三兩枝
瓶中開落夢先知
酒中時有茶
蘼片香
賴閨人拾不遲

十種花歸一膽瓶
爐香不爇有餘馨
鬟邊未許人
私戴茉莉時分數
朶青

有青茉莉

方塘

一丈方塘亦養魚
水深不得種芙蓉
渠月光多作金
波滿花影長
含玉鏡虛

黃塘棹歌

一丈蓮莖二丈花
枝枝高過釣魚槎
蓮花二丈穿
蓮葉蓮葉雖長不及花

思鄉水

出廉州之廢石康縣思峒山至武利江復還本縣界內入晏江故名思鄉

水

水亦思鄉向故山
人流不似水流還
人流若似思鄉水
那有離愁在世間

分水

道書稱泉源福地華子期所治

羅浮主客一泉分
泉影天邊似白雲
湯沐東西雙瀑布
仙人誰似子期君

木棉

西江最是木棉多
夾岫珊瑚十萬柯
又似燭龍銜日照
人天半玉顏
萬朵隨波似泛杯
浮沉又似水燈來
三江染盡桃花水
一道紅泉劃不開

木棉看與刺桐同
十丈花開接地紅
朵朵中心含
火鳳一春飛滿祝融宮

題沈君小影

形影陶公此亦真
羲皇以上更無人
科頭不見三千丈
欲爲君加漉酒巾

李白詩白髮三千丈

詠李廣

鐵騎橫穿萬馬分
大黃親解左賢軍
漢家飛將多猿臂
射虎天山箭沒雲

解鞍山下臥黃雲
兩翼從容百騎分
射殺匈奴白馬將
生擒不少射鵬羣

抱兒鞭馬向南飛
射殺追軍絕塞歸
小隊藍田圍

獵罷霸陵呵止不曾非

詠蘇武

鬻雪多年在塞沙駱駝封上子卿家牛羊多受闕
氏賜復有胡姬貌似花
咽盡旃毛及雪花羝羊未乳敢思家紫貂蓼實眞
天賜不使丁年鬢已華
牛羊多謝少卿妻於軒穹廬賜亦齊白首不愁歸
漢晚丹青寫出未央西

詠李陵

鞬汗山前落日催三千劍客委黃埃漢家都尉單
于墜左右闕氏起舞來

戰鼓無聲夜半時
三軍矢盡尺刀持
生降暫作裨王去
欲效曹柯漢不知
一別河梁絕域分
報恩無復漢將軍
悲歌未斷丁零至
淚灑龍沙萬里雲

廣州北郊作

朝臺秋草白茫茫
化作龍堆四十霜
鬼火不隨風雨滅
光芒知是谷蠡王
鬪髑臺畔幾英雄
血作青燐四野中
鬼伯不驚魂魄殺
沙塲往日共秦弓

新開蒿里戰塲邊
白草萋萋恨骨纏
烈士要離那有冢
伯鸞思葬素馨田

五嶺人頭嶺並高名王獵火盡山毛清明上已爭
拋蓋十萬蕃魂在白蒿

紛紛羌婦上墳來人哭聲連鬼哭哀木葉山中魂
望久青燐肯向四樓回

截將山勢白雲迴雙作丁靈得勝臺南塞可憐成
北塞牧羝誰在黑龍堆

咫尺陰山接越臺夕陽吹角打圍來揮鞭亂渡辭
辭水駝背佳人滿紫埃

古道呼蠻粵秀旁牛羊氣作野雲黃酪漿肉飯南
邊有不記龍沙是故鄉

郎官湖

有幸郎官得謫仙湖名長在漢江邊詩成鸚鵡過
黃鶴絕代才華祇自憐

蘇武墓

墓在韓城有古祠大
小數百林枝皆南向

古栢陰森繞夜臺枝枝只解向南開麒麟閣上應
圖此黛色參天雪窖來

蒼蒼不改歲寒姿絕似天山齧雪時墓左株株皆
祭酒行人再拜不曾遲

蟹眼泉

在廣州大
北門外

佳泉蟹眼最知名沙底冰寒映月明活火烹宜林
岸好千瓶汲取徧侘城

蟹眼雙瓶只十錢挑來大北白雲邊一城爭飲因

甘冽不道仙羊有別泉

舞草

大王楚歌歌莫哀爲妾楚舞一徘徊舞影千年爲
舞草報君意氣向春開
血作杜鵑花已紅魂爲舞草夏搖風美人驩馬平
生物一笑天亾起帳中

黃花

黃花十月似丹楓嶺外無霜亦變紅安得醇醪朝
夕有玉顏醅好與君同
貧家但有菊花妍兒女金錢與玉錢插滿髻鬟兼
作食香含朶朶露華鮮

遼東曲

不待秋深雪滿衣霜前一日鴈南飛邊人爭探青
貂穴婦女天寒亦打圍

淒惶嶺外卽遼西雙角山連紫翠低一代金湯山
海在無人關口更封泥

武寧功烈在渝關東鎖秦城萬里山姜女祠前秋
色暝石人猶望藁砧還

樽前

樽前那得不清狂白首無歸只醉鄉歲月盡從荒
宴過豈知人世有羲皇

掌中朝夕白椰杯杯有黃花及早梅酒盡不令高

臥得開門每望白衣來

一錢羞澀浣花翁處處金杯接未工竹葉已傾瓢
棄久更無司業似蘇公

乞顧生寫真

兩世名家作畫師黃荃父子及徐熙太倉顧氏今

神妙待詔金門有虎兒

米元章子友仁小名虎兒山谷詩虎兒筆力能扛鼎

生尊人雲臣嘗爲畫苑供奉故云

三十重過好寫真不愁朱漸奪精神儘君七尺吳

淞絹畫取離騷一後身

宋宣和間有朱漸妙寫六殿御容俗云未滿三十不

可令朱待詔寫真恐其奪盡精神也

巖泉置我未爲非更寫嬋娟伴少微吳氏當風高

士帶曹家出水美人衣

春蠶乞吐筆端絲焦墨痕中布色遲又作吳裝縑
素上維摩天女兩花枝

飛白輕雲益有神頰毫添取逼真長教居士傳
金粟益使裴公作玉人

移人神氣一毫端漢有狂奴在素統異日桐江來
物色羊裘好與故人看

贈友人製研

鳳池研瓦墨成螺書畫皆圓晉法多愛爾米家新
製好水巖真紫勝洮河

題英上墨竹

疎放枝枝意有餘縱橫下筆似顛書風吹舞影生
綃落無數篋管勢不如

題林氏畫冊

邊鸞雀子趙昌花一點丹青盡物華更有滕王蝴蝶好采春紛向寫生家

花總如生自不知黃筌神妙讓徐熙絕憐點染惟丹粉沒骨圖成多折枝

輕輕研吮卽成春物態氤氳總逼真落墨圖成徐渲染勝他暈淡少風神

折枝一抹態橫斜隨意纖穠亂點花更取陳常飛白筆參差樹石寫昌華

苑名

徐家花竹與禽魚，士女江南盡不如。
野逸絕勝黃富貴，曲眷豐臉六朝餘。

緋桃碧桃秋開承黃丈折贈二枝詩以答之
朵朵秋光照角巾，桃開多爲白頭人。
紅緋白碧持相媚，不使黃花不見春。

子規

山茶花落子規啼，嗚咽春當謝女闌。
豹汝無情教客去，竹枝驅向錦城西。

顧生以畫朱竹見貽口占答之

朱竹勝於墨竹，多人言竹醉亦顏。
醜篔簹忽與楓林似，葉葉紅如霜染何。

太赤枝枝似彼姝
瑯玕欲報玉盤無
新詞可當禱
稔否更乞徐熙沒骨圖

聽陳生裕言琴

琴聲絕似裕言語
君把裕聲盡入琴
天籟最多惟
五鬣微風亦復響
蕭森
家貧亦有數瑤琴
兒女能知山水音
況有裕聲來
萬壑何人不道似空林

黃村

黃村十里接朱村
盡種梅花作果園
花發紛紛來
翠羽啾嘈日與美人言

頻果乾

京師頻果與花紅作脯南來笑土風不問花紅問
頻果鮮時香味可相同

頻果甜於沙果多相思原不是頻婆乾來說

是林檎脯越客傳看啞笑多

宛委曰頻婆相思也卽今
北方頻果必山云嶺南別

有頻婆子非頻果也右軍帖來禽日給皆囊盛爲
佳果日給沙果也味甘來衆禽故曰來禽來禽卽

林檎也廣志曰林檎北人呼爲
頻婆李時珍曰頻婆柰也皆非

上林頻果最稱珍夏熟櫻桃共薦新作脯不教南
客識玉盤爭取更貽人

將上惠陽舟中望羅浮卽事奉呈王太守

蛋家無數石灣前欲買三篷恨少錢扁水航船魚

蟹客殷勤分得一艙眠

江水冬來細作渠絕愁乾到寶潭墟四更上纜乘
寒月行到天明十里餘

江遶羅浮上惠陽絕勝九面見衡湘半天空翠如
陰雨一路秋光出夕陽

東江曲曲向西流淺水平沙處處洲枉掛蒲帆風
未便羅浮三日似黃牛

廣州下不見羅浮不見羅浮上惠州廣惠中間峯

四百與君分取入書樓

諺云上不見羅浮是惠州下不見羅浮是廣州

牽上榕城水漸高葫蘆山截苦波濤冬乾不滿二
三尺撐折彎彎無數篙

招手終年倚郡樓豐湖一到解離愁山如浮碇連

雙嶽江似鵝城合一流

羅浮敵體似夫妻離合時時影不齊
瀑水中分煙雨外浮東忽似在羅西

生憎四百玉芙蓉朶朶欺人冰雪容
下女峯娟吾不愛白頭只愛老人峯

一日羅浮屬使君洞天開闢卽功勳
定知白玉仙師閣朝夕名香要我焚

公與白玉瞻真人有夙契欲爲閣於冲虛觀祀之

白頭家有鮑姑存更喜蘇耽子又孫
欲共市門梅氏女梅花多種復成村

使君詩作萬松濤噴薄羅浮雨勢高
九十九條成瀑布隨風欲剪一并刀

羅浮有九十九瀑布

冬至氤氲子半時一陽初動識包羲不須空際天
雞喚已有重光出海濱

飛雲頂路使君開子日亭臨見日臺東岱日觀那
有此曜靈先爲曜真來

胥江過玉鏡臺感賦

憶共蘭舟故里還蛾眉畫出是秦山菱花已殉黃
泉去玉鏡荒臺忍重攀

寶鏡銷沉二十年畫圖空想舊嬋娟猶香黓隸瑤
姬雨已化霏微小玉煙

青溪

小姑名字擅青谿桃葉風流渡口迷六代只餘兒

女事不勝金粉景陽西

七夕詞

天帝金錢貸不還二靈長隔絳河間終年織錦成
何用淚灑支機石盡斑

漸及斜陽渡恐遲河邊似見鳳輶移未教烏鵲迎
仙珮先遣蜘蛛送巧絲

細犢朝朝耕紫煙宮中未有館甥年應知帝亦憐
兒女不遣天孫去饁田

何妨天妹耦耕來隔水如聞機杼哀飲盡銀河應
有日牽牛不用月明迴

莫道人間有恨人雙星天上更酸辛若教精衛填

河漢清淺而今已作塵

相思相望老年華一宿歡娛未有家織女何殊雙
顧兔牽牛亦是一匏瓜

人間不復見神娥歲歲佳期一度多最是黃姑生
命好不須身自渡銀河

相逢早已慰參商此夕何勞玉漏長絕勝月中垂
兩足蟾蜍相與作鴛鴦

題高生畫

故人胷次滿霞煙畫出雲林與石田愛殺橋西扶
杖者無人相與踏秋天

戲示墨西

方程古墨欲收齊磨盡枯煙苦墨西有子殷勤將

代汝研池先與洗澄泥

方于磨程君房也

蕭晨長立研臺西手裏龍賓盡幾圭喜有馨香生
墨子幸無顏色似玄妻

下筆休教風雨催方圓盡把頂煙開子安飲墨餘
三斗畱與卿兒作賦來

卿如子墨客卿來膠漆相依更不開湯沐欲封君
卽墨五年功在讀書臺

爲陸氏姬人寄姊

姊家三水木棉頭

大姨家住木棉頭小姨相望荔支洲荔支有子酸
且小木棉花大如重樓

荔支紅讓木棉紅荔支可食愁盤空木棉有絮作
縑布天寒長禦攪霜風

夫婿多才賦荔支木棉不賦使儂悲儂今欲代木
棉乞乞作雙紅絕妙辭

木棉有花須作實荔支有實更成花實紅不似花
紅好努力春深鬪麗華

口占送姬人之母

而女歸吾喜有孫佳人秀實慰慈萱阿婆不肯畱
相抱黃口嬌啼詎忍言

公姥能來就女無無兒休歎白頭孤殷勤得使甥
孫大與婦雙雙作孝烏

新月

娟娟絕愛似蛾眉不道光開玉鏡遲
蛾眉宛轉有數夕玉鏡團圓是闕時
皓魄初生色已妍纖纖且勿兩頭圓
齊紈任爾如霜雪團扇裁成卽棄捐

生日客韶陽作

行年六十又三時攬鏡英州見秀眉
加我天教韶石似一峯一歲卽期頤

韶石有三十六峯

一年一朶玉芙蓉七十依然六十同
更待九年持贈我一峯分作兩三峯

高堂百歲仗孫嵩我要奇齡與母同
早學長生因

奉養白頭膝下待還童

老鳳生雛雛白頭文章五色作蘭羞今朝出覓瑯
玕食也抱啼烏反哺愁

生近重陽令節時菊花香送玉杯遲先予一日憐

桃葉共命雌雄總畫眉

予生九月五日姬人墨西
生於四日畫眉鳥名其

雌雄皆作白
者故曰畫眉

五日何妨九日同天將令節屬陶公重陽且喜餘

三日莫采黃花盡一叢

據鞍愁向武溪過六十成翁笑伏波矍鑠吾今加

一歲未逢衣絳恨如何

馬文淵據鞍顧盼時六十
有二武溪在韶州城西

韶陽弔古

戰血依稀帶雨新
黃昏白土盡青燐
將軍間道無

奇策一敗韶陽誤漢人

白土地名

瀧西兵已過瀧東
苦是陰城不易攻
兵法自來牽制好
偏師不解斷南雄

啾啾鬼哭漢將軍
安國頭懸塞上雲
更有終童能死節
魂畱南越甚芳芬

題小長蘆圖

秀水朱竹垞父子
蓑笠垂釣圖也

長水牽人寶帶長
還餘錦帶繫鴛鴦
月波酒好兼

黃雀父子爲漁樂
鏡香

長水寶帶錦帶皆秀州水
各月波秀州酒名鏡香湖

送朱竹垞

情同楊柳但依依乍見那堪卽送歸白首相知誰
得似夢魂從此更交飛

重來此地莫相違各已浮生近古希二十五年還
待汝白頭未肯嫁斜暉

予與君別二十五年矣

口占爲增城萬壽寺老僧壽

春岡岡下古花宮蘭草房房種幾叢老衲亦餐雲
母否何妨七十貌如童

增城多雲母何仙媛舊所服也

酒熟

酒娘新出味如飴兒女舖糟父啜醅恨絕秋收紅
糯少白衣無復到東籬

空如玉乳甘難飫不似香醪冽易醺却愛燒春能

爽口一杯已覺煖氤氳

柳漿

黃柳漿濁白柳清味似漂醪飲亦醒解渴炎天惟此物殷勤勸客玉杯傾

蕭湘曲有寄

蕭藍湘碧總含清兩不分流最有情任是蕭南湘亦北滌洄終向楚王城

送人入京

桑乾亦是小黃河橋向蘆溝踏雪過馬上錦裘青海客嗚嗚吹葉和悲歌

白山冰雪黑山雲水落遼河向塞分更出渝關隨

射獵海青看打駕鵝羣

白蓮池

池水含風滿洞涼麻姑舊種白蓮香笑他未有明星手不得花開十丈長

苦雨作

百道飛泉作簷溜絕疑三峽倒龍湫哀猿爲爾空腸斷淚逐潺湲日夜流

一春陰雨春無晝晴暖何因見艷陽亦有鶯花在烟霧風吹不作白頭香

那知是雨是啼痕霑灑衣衾冷斷魂泉下有親寒正苦豈知綿繅定奇溫

以事偶憩單家口占奉答

單家善釀

五宿黃公酒甕旁
氤氳麴蘖不勝香
主人相勸憐衰疾
薑桂含滋未忍嘗

毀瘠哀予六十人
醇醪信美不沾唇
來因兒女非無故
慈孝多慚此一身

屢得友朋書札感賦

一謝交遊故國回
寒暄不斷素書來
杜陵雖有虛名好
溝壑何曾一救來

少陵詩虛名但蒙寒暄問泛愛不敢溝壑辱

好是新安與武林
扶晨心似仲昭心
平生知己雖無數
二子聰明最賞音

扶晨新安汪士鋐也仲昭武林王嗣槐也扶晨別十

四年書來不斷仲昭別三十餘年今始有書

最早知音是阮亭青蓮不得擅仙靈九天咳唾紛

珠玉亂作飛泉下杳冥

王阮亭云翁山先生詩殆如太白所云咳唾落九天

隨風生珠玉者

名因錫鬯起詞場未出梅關人已香遂使三閭長

有後美人香艸滿禺陽

予得各自朱錫鬯始未出嶺時錫鬯已持予詩編傳

矣下

慈谿魏子是鍾期大雅遺音獨爾知一自彈琴東

市後風流儒雅失吾師

雪竇山人畊也

西泠十子首馳黃道我詩篇勝夢陽古調新聲俱

第一肩隨不敢逐飛揚

毛馳黃駁也

簞谷同心復同調平湖臯旭亦淵通三吳競學翁

山派領袖風流得兩公

周笛谷郭臯旭皆嘉興人最賞予詩以一時吳越相

解法者爲翁山一派云

欲折彎彎射日弓有人爭欲作逢蒙交遊不向端

人取乘矢何繇得庾公

有人謂某某皆嘗學於予者

才名四十有餘年老益饑寒萬卷前絕代文章多

妒忌自來人欲殺青蓮

老豈爭名向少年未焚筆研已歸田能知白也詩

無敵除是開元一代賢

長兒明洪十八歲生日口占示之

二月三朝春未中文昌生日汝相同年今二九非

初學及早成章慰乃翁

志學已多三歲矣成童又過二年來文章莫與而
翁似一代聰明要自開

翁山山上八泉流第一甘泉居上頭汝字甘泉冠
諸弟要從文簡遡尼丘
母難茲辰淚滿衣九齡失恃愴慈威劬勞總賴詩
書報仁孝休令奉養違

題朱君望雲圖

春鳥催歸處處聞鄉心畫出翠氤氳江南山色無
多少總向邗溝作白雲

題劉君蘆洲濯足圖

豈意菰蘆尚有人微茫煙水未迷津白頭漁父偏

知汝一棹相將出白蘋

新柳

鶯黃淺淡雪初消
拂水拖煙已萬條
小得春風都解舞
憎他絕似阿蠻腰

送聲遠往杭州

此去江湖路渺茫
千金豈必不垂堂
淵冰自守詩人戒
况復庭闈在異鄉

清淺秋光欲滿輪
休貪明月向江濱
月明不似瓊閨鏡
中有蛾眉十道新

西子湖西返照明
南高峰雨北高晴
蕤絲采共鱸魚腊
歸作高堂錦帶羹

舟向孤山柳外堤知從處士問幽棲故人亦是林
和靖家有梅花作女妻

雨雪歸來匹馬勞翩翩不是五陵豪錦囊雙壓明
馳重詩句多於金錯刀

西蜀費錫璜數枉書來自稱私淑弟子賦以
答之

詩歌豈敢作人師私淑如君乃不疑風雅只今誰
麗則不才多祖楚騷辭

古詩源向漢京尋十九情同三百深唱歎泠然清
廟瑟朱絃疏越有遺音

少陵家學本昭明文選教兒最老成君向八朝中

取法休裁僞體逐時名

開元大曆十餘公總在高才變化中誰復光芒真
萬丈謫仙猶讓浣花翁

九月望後梅已數花先黃菊而發喜賦

霜降初寒卽吐花不教黃菊擅陶家籬邊秋色兼
春色別作幽人一歲華

秋夕作

不知蕭瑟是秋聲落葉哀蟬總不平更恨蕉林當
戶牖教人魂夢不分明

題公漪竹

誰寫枝枝竹影長墨花飛處卽瀟湘瑯玕不必交

青翠已有清陰滿石牀

題畫

老樹橫斜似酒龍扶持須倩木芙蓉憑君更潑蘭
香墨多寫合霜三醉容

夢裏

夢裏啼痕濕錦衾斷腸人作峽猿吟香魂未肯成
煙霧祇爲恩情深又深
衾枕何曾間死生夢魂夜夜甚分明無窮屬累惟
兒女嗚咽鄰雞第幾聲
秋到宵深益有聲滿林涼月助淒清霜華一片催
頭白斷絕啼烏子母情

送王觀察之官蜀中 二十四首

蜀道盤迴似上天，川南更在二峨邊。
使君觀察勞旌節，南極牂牁是下川。

回首京華北斗邊，庭闈近與紫宸連。
簪纓未敢辭神武，真逸華陽待暮年。

舊事真人白紫清，傳來仙訣自朱明。
拂衣中歲誰能早，親老空懸萬里情。

荆門西溯卽高唐，一路風流屈宋鄉。
更向秭歸尋故宅，無窮騷些在斜陽。

十二巫峰似九疑，芙蓉朵朵鬪仙姿。
離騷弟子荒淫甚，神女無端入楚辭。

似有朱顏在鏡中香溪清與若耶同美人心逐天
山草萬里青青到漢宮

風葉蕭森亂夕陽啾啾何處一聲長三聲未斷過
三峽無數哀猿盡斷腸

五女何年化石來巫山亦有望夫臺細腰多少春
魂在雲雨虛無不作媒

斷腸花滿峽門香復有相思碧草長哀怨一從生
望帝三巴都作杜鵑鄉

褒斜天遣五丁來美女金牛天府開沃野况兼天
下險安危重望武侯才

白帝城當赤甲開東西江逐瀼溪迴陣圖虛作常

山勢漢賊天教兩立來

惠陵看與灞陵同煙雨春山玉殿空長恨赤烏真
國賊子鵠多向永安宮

江含石鏡似明霞掩映千巖躑躅花杜鵑一開才
子國相如夫婦首英華

白菟樓開紫翠空岷峨色與錦江同文君濯錦相
如製萬匹蒲桃在賦中

知浣溪花日幾迴多情應數向琴臺錦江春色歸
辭賦分取長卿絕麗來

花潭春水滿郊垞玉壘諸峯盡作屏爲有文君眉
嫵在教人長望遠山青

應知治行甚馨香更有文華映繡裳
詩句盡教賔布織流傳半在竹枝娘

竹郎祠下竹公溪水合三江到峽西
白黑諸蠻春報賽巴渝曲爲使君低

三峨相對白雲邊復有青城大洞天
得似羅浮靈怪否君行爲訪丈人仙

羚羊峻口滿嘉魚丙穴人言美不如
君到沔陽春盡候相思應遣一銜書

蒙頂茶香勝海棠桃枝笙滑似流黃
更從邛笮求靈杖寄我過眉九節長

山愁九折是邛嶮劍閣橫雲鬱不開
控扼諸番南

更險羊腸出入九天來

三年未恨入朝遲親爲張酺滿秀眉闕下公卿紛
上壽郛筒春酒待醑醪

藩屏佇作紫薇臣更爲天南撫越人節鉞華容重
枉顧爲君披拂玉臺巾

華容謂劉公大夏也蘇吾
粵方伯晉總制白沙先生

臺巾
帝戴玉

山塘

江岸青青盡竹林木棉紅染水雲深雨催西潦魚
苗出爭買鮓浮與鯽沉

望七星巖

石筍中空多白雲乳花飄處葉紛紛芙蓉一一成

員屋七朶青蒼天外分

七峯頂皆圓中空
若屋故一名員屋

一林

一林秋色在貧家紅葉蕭蕭似落花
無數金錢在黃菊欲持沽酒送年華